
N O R Ð F I R Ð I N G U R

2. tölublað 1988

12. árgangur

ÁRSHÁTÍÐ

Norðfirðingafélagsins verður haldin að Hótel Loftleiðum, Víkingasal, laugar- daginn 12. mars 1988, kl. 19:30 stund- víslega.

Matseðill: Kjörsveppasúpa

— — —

Villikryddað lambalæri með piparsósu

— — —

Koniaksís (glace de la "Fönn en Nordfjord" avec Cogniac)

Hátíðarræða: Eypór Einarsson frá Kviabóli

Skemmtiatriði: Danssýning, spurningakeppni milli út- og innbæinga og samtalspáttur í léttum dúr.

Happdrætti: margt góðra vinninga.

Dans og vínveitingar. Miðaverð kr. 2.500.-

Viðtakandi:

Eypór Einarsson
Bólstaðarhlíð 66
105 Rvík

Árshátíð Norðfirðingafélagsins verður haldin laugardaginn 12. mars 1988, að Hótel Loftleiðum, Víkingasal. Hátíðin hefst með borðhaldi kl. 19:30 stundvíslega. Hátíðargestir okkar að þessu sinni verða hjónin Svandís Ólafsdóttir og Eypór Einarsson frá Kvíabóli, en hann mun flytja hátíðarræðu kvöldsins.

Eypór var í eina tíð formaður Norðfirðingafélagsins og einn af stofnendum þess.

Hann mun vafalítið segja ykkur frá einhverju skemmtilegu, sem drifið hefur á dagana í uppvextinum heima á Norðfirði og síðar á lífsleiðinni ásamt svo mörgu, mörgu öðru.

Við fáum danspör í heimsókn, sem sýna munu listir sínar. Útbæingar og innbæingar munu spreyta sig í spurningakeppni. Liðum verður skipt um Konráðslæk. Fluttur verður samtalsþáttur í léttum dúr og efnt til happdrættis um margt góðra vinninga. Fjöldasöngur verður undir borðhaldinu eins og venjulega, enda Norðfirðingar orðlagðir söngmenn.

Að loknu borðhaldi verður stiginn dans af miklu fjöri við undirleik danshljómsveitar Jakobs Jónssonar. Hljómsveitarstjórinn hefur heitið okkur því að stemma stigu við hávaða frá "instrumentum" sveitar sinnar.

Ef einhverjir sjá sér ekki fært að mæta fyrr en að loknu borðhaldi, þá verður seldur sérstakur aðgangur á ballið og kostar þá miðinn kr. 1.000.-

Við viljum hvetja félagaga til þess að panta miða í tíma hjá:

Elsu Chr. 36492 Jóhönnu Ósk 42232

Jóni Guðm. 43499 Ólöfu Hannesar 75506

Miðarnir verða seldir að Hótel Loftleiðum fimmtudaginn 10. mars, frá kl. 17 - 19 og borð tekin frá á sama tíma.

Hið árlega sólarcaffi félagsins var haldið í Safnaðarheimili Bústaðakirkju 31. janúar s.l. Þáttaka var að venju mjög góð. Mættir voru eitthvað á þriðja hundrað manns í " sólarpönnukökur" og annað

bakkelsi sem félagskonur sáu um af al-
kunnum myndarskap. Færir stjórnin þeim hér
með bestu þakkir fyrir.

Lárus Sveinsson og dætur mættu með hljóð-
færi sín og léku fyrir okkur nokkur falleg
lög. Mættum við fá meira að heyra!!!
Með bestu þökkum til Lárusar og dætra.

Að endingu hvetjum við alla félagsmenn
til þess að fjölmenna á árshátíðina og
taka með sér gesti. Jafnframt bjóðum
við velkomna alla þá Norðfirðinga búsetta
heima, sem hug hafa á því að leggja land
undir fót til þess að taka þátt í gleðskap
sveitunga sinna hér syðra.

Munið árshátíðina 12. mars n.k.

Mætum öll í hátíðarskapi

Góða skemmtun!

NORÐFIRÐINGUR

Útgefandi: Norðfirðingafélagið
Espigerði 4, 108 Reykjavík

Ritstjóri: Elsa Christensen